


梅雪天花證生前

陸 璧 仁

(轉載)

一念塵緣未斷，則生死不了，此所以學佛者必得以心空境寂為度也。今日吾與學佛諸君子，除乘願再來為吾所不知者外，何一非陸君之儔，特今日之學佛者，多半為亂離之苦所激發，陸君則為淨侶所指歸，因緣不同，其具宿根則一。陸君為近時人，文載大法輪書局出版之皆大歡喜集第五集「奇夢」。信而有徵。敘述極樂世界，亦頗嚴奇妙，足起學佛者念佛之心。因不惜作文抄公，錄之以實菩提樹，用公同好。

溥 僧 謹 識



師弟，墮入業塵，亦太苦矣。可念南無阿彌陀佛上，携汝往淨土一遊也。須臾，覺身坐池畔玉欄杆上，旁立一僧，儀容俊偉，心甚異之。縱目四顧

林樹鬱鬱，枝葉花果，雜色光耀。林中樓閣隱隱，地甚平坦，似碧玉所成，瑩淨光潔，間以金繩。余詢僧，爾為誰？此何處？僧曰：余乃汝之師兄也。前生與汝同住山中修行，我以信願真切，念佛精勤，無疾坐脫，即生淨土。汝雖苦行念佛，而願不切。且每見少年夫婦來寺拜佛，輒生羨慕，以是妄念，羈留穢土，墮落堪悲。吾以本願，攝爾來此，以警汝耳。此處即極樂世界也。余聆僧言，恍似憶及前生。僧曰：盍禮佛去，余應諾，隨之行，階道恢廓，清淨莊嚴，宮殿奇麗，重重無盡。寶樹行列，華光燦爛，微風吹樹，奏出樂聲，和婉清雅，奇花芬芳，異鳥翔舞。仰觀空際，樓台千萬，縹緲空中，微妙奇麗。未幾，抵一處，金牆丹扉，門虛掩，堆扉進，一湖蕩漾，粼粼無際。湖中蓮花，青黃赤白，間錯紛敷，異香沁鼻。花上人貌皆端麗。僧曰：此第一大寶也。遙指一金身，巍巍立大蓮花者，謂余曰：此阿彌陀佛也！胡勿頂禮！余方下拜，僧大喝一聲，余遂驚醒，晨曦在窗矣。余以夢徵，始信前身確屬佛門中人，且知法名為寂本也。蓋家母誕余時，家人咸睹一窮和尚入室，逡巡而歿。吾家信奉耶穌，余嘗入教會學校讀書，腦海中絕無佛教印象。余感此夢，余心未能釋然，自此亦竊竊念佛，不使吾父母知，懼斥責也。吾家鄰近南山寺，寺僧覺三法師贈余信論直解，印光法師文鈔，淨土聖賢錄等書數十種，懷歸展讀，兩月而畢，歎佛法精深博大，遂勸家人信佛。吾父怒甚，嘗為不肖子，綴吾佛經，余乃出走，居石室岩。其夜夢入一山寺，松竹甚茂，大殿設在樓上，幽靜絕世。余禮佛竟，視佛座旁有金字對聯，讀其句，上聯云：「地位清高，日月每從肩上看。」下聯云：「門庭開豁，江山常在眼中看。」一喜其一氣呵成，再三誦之，舉首見額題「梅雪天花」。一步出殿門，有石欄杆，憑欄遠眺，群峯俯伏，江流如帶，曠大心目，寺鐘乍發，遂爾夢覺，僧業已上殿早課矣。余既出走，家人百計尋訪，余致書家中，如不許吾信佛，吾不歸也。父無奈，勉允之，登漳州日報招吾歸。返家以各種佛書呈父。初不欲觀，再三婉勸，父意為動，始閱法味，談因，安士全書，人生指導等，遂生信心，於是朝夕念佛，母及弟妹，均隨之信佛矣。余廿一歲，肄業廈門大學，常赴南普陀寺禮佛，（廈大距離該寺不到一里）因與該寺轉蓬老

和尚認識。老和尚乃泉州梅山雪峯寺退院，壯歲雲遊天下，足跡遍海內，持戒精嚴，終日念佛，閩南一大善知識也。余親近老和尚，時承教益。暑假期中，老和尚邀余同往雪峯習靜，因憶從之。抵寺禮佛畢，忽觀梅雪天花四字，欣然居石室岩，曾夢入山寺，正復相同。急尋禪聯，昔居佛座旁，赫然觸於視線者，正吾夢中所記地位清高日月每從肩上看，門庭開豁江山常在眼中看之廿二字也。款題晦翁，嘆奇不已。殿在樓上，戶外繞石欄，對面江山如畫，儼然夢景。老和尚告余曰：居士前生是在雪峯修道者，夢景老和尚。題一律於壁曰：謫降人間廿一秋，韶華逝水去難留。焚修空憶前身事，異夢徒添今日愁。十載曾從外道窟，餘生歸託法王舟。梅香雪冷情何限，惆悵塵寰哭未休。余妻紅玉，本信耶穌教，經余薰陶，捨耶從佛，頗勤精進，喜誦華嚴離垢地章，彌陀經，普賢行願品三種，余心彌慰。民國二十五年五月五日晨，紅玉微感不適，謂余曰：淨緣已熟，今晚九點鐘，吾當往西方極樂世界。余訝之！紅玉曰：吾豈誑君，君但助我往生可也。余開年悲，轉復為喜。入夜，紅玉曰：佛已來迎，吾當去矣。與君小別，淨土再會。余高聲念南無阿彌陀佛。妻亦隨念，聲漸低，少選，竟跌坐而逝。壁上鐘敲九下，異香滿室，僅二十五歲耳。嗟乎！壁青衫紅袖真如夢，草草姻緣祇七年。紅玉無所出自慰耳，龍溪陸璧仁記。

菩提樹叢書之一

八識規矩頌筆說 卅二開本

著者：默如法師

作序：周教授慶光居士 跋後：朱斐居士

彩色精印 西方三聖像 每張一元(百張以上八折)

香港讀者羅振才居士送到菩提樹叢書禮

「雲門山志」十本，欲請從速！

注意：購請書像者十元以上可用郵票代

金，十元以上者請交郵局劃撥帳

號「九〇二四」